



«Նոր ժամանակի կրթություն» ՀԿ

ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻԶՆԵՐԻ ՎԵՐԱՊԱՏՐԱՍՏՄԱՆ ԴԱՍԸՆԹԱՑ

**ԱՎԱՐՏԱԿԱՆ ՀԵՏԱԶՈՏԱԿԱՆ
ԱՇԽԱՏԱՆՔ**

Հետազոտության թեման՝ «ընթերցանությունը որպես գործիք
տարրական դասարաններում»

Առարկան՝ դասվար

Հետազոտող ուսուցիչ՝ Գեղեցիկ Սերյոժայի Եսայան

Ուսումնական հաստատություն «Երևանի հ. 175 միջնակարգ դպրոց»

Երևան 2023

ԲՈՎԱՆ ԴԱԿՈՒԹՅՈՒՆ

Ներածություն -----

----- 3

Գլուխ 1

1.1 Կարգալու կարողությունների զարգացումը կրտսեր դպրոցում ----- 4

1.2 Կարգալու որակական

հատկանիշներ ----- 6

Գլուխ 2

Կարգալու կարողության զարգացման արդյունավետ մոտեցումները տարրական

դպրոցում -----

----- 8

Հետազոտական մասի փորձից

----- 9

Եզրակացություն -----

----- 19

Օգտագործած

Գրականություն -----

----- 20

Ներածություն

Թեմայի արդիականությունը: Անառարկելի է, որ ընթերցանությունը գիտելիքների ձեռքբերման, բազմակողմանի զարգացման, բառապաշարի հարստացման հիմնական աղբյուր է: Կարդալու միջոցով հարստանում ու զարգանում են աշակերտների երևակայությունը, հոգեկան ներաշխարհը, խոսքը, հաշակը: Կարդալու կարողությունն այսօր ոչ թե նպատակ, այլ միջոց է՝ նոր գիտելիքների և տեղեկատվության ձեռքբերման համար: Այսօր ուսուցչի խնդիրը ավելի շատ աշակերտների գործունեության նպատակաուղղումն է, սովորել սովորեցնելը, քան միայն գիտելիքներ հաղորդելը, քանի որ միայն ուսուցման ընթացքում հնարավոր չէ այնքան տեղեկություն փոխանցել և սովորեցնել, որքան անհրաժեշտ է նրա զարգացման համար: Ուստի, այսօր համար մեկ նպատակը գրից օգտվելու կարողության ձևավորումն է: Որպեսզի երեխան սիրի գիրքը և կարդա, պետք է ուսուցիչը լավ կարդալ սովորեցնի աշակերտներին ու օգնի նրանց հաղթահարել կարդալու ընթացքում առաջացած դժվարությունները:

Հետազոտության նպատակն է՝ ուսումնասիրել ընթերցած բնագրի շուրջ տարվող աշխատանքները, օգտագործվող մեթոդները, առաջադրանքները, որոնց շնորհիվ կդաստիարակվի ընթերցասիրություն, և ընթերցանությունը կդառնա անձի բազմակողմանի զարգացման միջոց ու կնպաստի ուսուցման արդյունավետության բարձրացմանը:

Հետազոտման խնդիրներն են.

Ուսումնասիրել և ներկայացնել լավ ընթերցողներ պատրաստելու ուղիներն ու առանձնահատկությունները:

ՌԻՍՈՒՄՆԱՄԻՐԵՆԷԼ կարդալու կարողությունների զարգացմանը նպաստող աշխատանքները կրտսեր դպրոցում:

Սեփական փորձով ցույց տալ կրտսեր դպրոցականների կարդալու տեխնիկայի և որակական հատկանիշների ձևավորման ընթացքը:

Հետազոտման ընթացքում կիրառվել են հետևյալ մեթոդները՝ բացատրական, զրույց , բանավեճ, ուղղորդված ընթերցանություն, ընտրովի ընթերցանություն , կրկնակի գրառման օրագիր, ընդհատված ընթերցանություն, դերային ընթերցում, խթարված ընթերցանություն, մտազրոհ, փոխաբան, կանխագուշակումներով կարդալը, փոխգործուն նշանների համակարգը, երեք կողպեք՝ մեկ բանալի և այլն:

Աշխատանքի կառուցվածքը և ծավալը: Հետազոտական աշխատանքը բաղկացած է ներածությունից, երկու գլխից , եզրակացությունից, օգտագործած գրականության ցանկից: Աշխատանքը բաղկացած է 19 էջից:

Առաջին գլխում ներկայացված է մայրենի լեզվի դասընթացի հիմնական նպատակներից մեկի՝ ընթերցանության կարևորության, ընթերցանության տեխնիկայի և որակական հատկանիշների ձևավորման անհրաժեշտության մասին:

Երկրորդ գլխում ներկայացված են այն հիմնական մեթոդների, ուղիների, առաջադրանքների ընտրությունը, որոնք նպաստում են լավ կարդացողի ձևավորմանը:

Եզրակացությունում ներկայացված են ուսումնասիրության արդյունքում կատարած եզրահանգումները: Վերջում ներկայացված է օգտագործած գրականության ցանկը:

Գլուխ 1.

1.1 Կարդալու կարողությունների զարգացումը կրտսեր դպրոցում

Մայրենի լեզվի դասընթացի հիմնական նպատակներից մեկը լավ ընթերցողներ պատրաստելն է: Իսկ ի՞նչ է նշանակում «լավ ընթերցող»։ մի՞թե երեխաները, ճանաչելով հայերեն այբուբենի բոլոր տառերը և դրանք վարժ միավորելով բառերի ու նախադասությունների մեջ, արդեն լավ ընթերցող չեն: Գրաճանաչ լինել՝ դեռ չի նշանակում ակտիվ ընթերցել կարողանալ: Կարդալու կարողության ձևավորման առաջին աստիճանի հարթահարումից հետո անհրաժեշտ է լուրջ աշխատանքներ ծավալել սկսնակ ընթերցողների մեջ կարդալու որակական հատկանիշների ձևավորման ուղղությամբ: Այդ աշխատանքների հիմնական նպատակը սովորողների մեջ կարճ ժամանակում հնարավորինս շատ և հիմնարար տեղեկության ձեռքբերման կարողության ձևավորումն ու զարգացումն է, քանի որ Ա. Ղարիբյանը ժամանակին ասել է. «Բացատրական ընթերցանության հիմնական նպատակներից է կարդալ սովորեցնելը, որովհետև կարդալու ուսուցումը լեզվի ուսուցման ամենահիմնական ու պատասխանատու բաժինն է: Թե՛ լեզվի մյուս բաժինների և թե՛ միջնակարգի բոլոր այլ առարկաների յուրացումն ապահովվում է աշակերտի կարդալու հմտությամբ: Անհնարին է ծանոթանալ որևէ գիտության հիմունքներին, առավել ևս դառնալ ժամանակակից կուլտուրայի պահանջների բարձրության վրա կանգնած մարդ, եթե կարդալ չգիտես: Կարդալու ուսուցման որակից է կախված մյուս առարկաների ուսուցման հաջողությունը, իսկ կարդալու հմտության հիմնական որակը որոշվում է կարդալու ուսուցմամբ տարրական դասարաններում»:[3, էջ 256]: Կրտսեր դպրոցականի ընթերցողական կարողությունների զարգացումը նպաստում է ուսուցման արդյունավետության բարձրացմանը: Ճիշտ, սահուն, հասկանալով, արտահայտիչ կարդացող աշակերտներն ավելի լավ են սովորում ցանկացած առարկա, քան կցկտուր կարդացողները: Բանն այն է, որ վատ կարդացողն ընթերցելիս իր ուշադրությունը հիմնականում կենտրոնացնում է կարդալու գործողությանը և չի ըմբռնում կարդացածի բովանդակությունը, հիմնական միտքը և այլն: Լավ կարդացողն արագ է ըմբռնում, հասկանում բնագիրը, որովհետև նա ժամանակ չի ծախսում կարդալու գործողության վրա: Կարդալու կարողության ձևավորումը կրտսեր դպրոցի մայրենիի դասերի հիմնական նպատակն է եղել և մնում է որպես այդպիսին: Կարդալու գործողությունը հոգեկան մի բարդ երևույթ է, որի վերլուծությունը ուսուցչին ոչ միայն կօգնի հնարավորինս ճիշտ ըմբռնելու այդ գործընթացի առանձին կողմերն ու դրանց ուսուցման դժվարությունները, այլև կնպաստի այդ գործընթացի մեթոդապես ճիշտ կառուցմանն ու արդյունավետ իրականացմանը: Կարդալու հմտությունը խիստ գործնական կարողություն է, սակայն ինքնագարգացման, անձի դաստիարակության, երեխաների ընդհանուր զարգացման, հոգեկան և մտավոր աշխարհի հարստացման ամենաարդյունավետ միջոցն է. Այն խորացնում է մտածողությունը, միտքը մղում է սրունդների և երևույթների վերլուծության: Ղ. Աղայանը նկատում է, որ ընթերցանության միակ արժեքն այն է, որ ընթերցողի առջև բացվում է անհատնում փորձերի շտեմարաններ, որ մարդ իր տանը նստած կարդալու միջոցով շրջում է ամբողջ աշխարհը, դուրս գալիս երկրագնդից, մտնում Երկրի խորքերը, իջնում ծովի ու օվկիանոսի հատակը, իմանում է տարբեր ազգերի կենցաղի, սովորույթների, ապրելակերպի մասին: «Բայց և այնպես, սո՛քա բոլորը փորձեր են, որոնք այն ժամանակ միայն կարող են լայնացնել ընթերցողի

հասկացողության շրջանը, երբ ընթերցողի բնությունը նոցա մարտելու չափ զարգացումն ունի, այդ փաստերից, այդ հանգամանքներից ուղիղ հասկացություն կազմելու կարողություն ունի» [4, էջ 361]: Մարդկության մտքի գանձը այն անձանց ժառանգությունն է, ովքեր կարդալու կարողություն ունեն: Սա նրանց հնարավորություն է տալիս օգուտ ֆաղելու այդ գանձից և ինքնագոհ հոգալու իրենց մտավոր մշակության համար: Ով որ ընթերցելու ունակություն չունի, այդ բոլորը նրա համար մեծ մտասմբ անմատչելի է: Նախորդների թողած մտավոր գանձը նրան անհասանելի է, ուրեմն և մտավոր մշակության գլխավոր աղբյուրը նրա համար փակ է: «Առանց կարգալ իմանալու առանձին անհատը կարող է յուր շրջապատող կյանքի մեջ որևէ նշանավոր տեղ բռնել: Ուստի և ուր որ գրավոր խոսքը գործադրություն և հարգանք, իսկ դպրոցը համակրողներ է ունեցել, այնտեղ ընթերցանության հոգատարությունը եղել է դպրոցի ծանրակիս խնդիրներից մեկը» [4, էջ 301]: Ընթերցանությունը ոչ միայն մտագործունեության էական բաղադրիչ է, այլև կրթության բովանդակային մաս, հետևաբար այն պետք է կազմակերպվի չափորոշչային պահանջներին համապատասխան և ունենա չափելի վերջնարդյունք:

Եվ այսպես՝ տարրական դպրոցի սովորողը պետք է կարդալու՝

1. Լսել, հասկանալ իրեն ուղղված խոսքը
2. Հասկանալով և արտահայտիչ ընթերցել արձակ և չափածո գրական տեքստեր
3. Տարբեր ձևերով և եղանակներով վերարտադրել լսածը, կարդացածը
4. Արտահայտել և հիմնավորել սեփական տեսակետը
5. Արտահայտիչ արտասանել բանաստեղծություններ, հեքիաթներ, առակներ՝ շեշտադրելով հիմնական գաղափարը
6. Զևակերպել հարցեր իրեն հետաքրքրող թեմաների վերաբերյալ [1, էջ15]

1.2 Կարդալու որակական հատկանիշներ

Ինչպես արդեն նշեցինք, կրտսեր դպրոցում մայրենիի դասընթացի կարևոր բաղադրիչներից է ընթերցանությունը, որի նպատակն է զարգացնել կրտսեր դպրոցականների կարդալու, վերարտադրելու կարողությունները, հարստացնել նրանց խոսքն ու բառապաշարը, ճանաչողական և լեզվական գիտելիքները, ձևավորել արժեքների համակարգ: Դեռևս գրահանաչության այբբենական շրջանից սկսած պետք է աշխատանքներ տանել սովորողների կարդալու որակական հատկանիշների ձևավորման ուղղությամբ:

Կարդալու որակական հատկանիշներն են՝

- Ծիշտ կամ անսխալ կարդալ
- Վարժ կամ սահուն կարդալ
- Հասկանալով կամ գիտակցելով կարդալ

- Արտահայտիչ կամ գեղարվեստորեն կարդալ
- Արագ կարդալ առաջարկված բնագիրը ճիշտ կամ անսխալ կարդալ ասելով՝ հասկանում եմ բնագրի բարձրաձայն, պարզ ու հստակ ընթերցումը, երբ աշակերտն ընթերցելիս բաց չի թողնում ոչ մի տառ, վանկ, երբ բառի մեջ չի փոխում առանձին տառերի ու վանկերի տեղերը, դրանք չի շփոթում ուրիշ վանկերի և տառերի հետ, երբ փոփոխության չի ենթարկում բառի ֆերականական ձևը (այսինքն՝ գոյականի հոլովը, թիվը, բայի դեմքն ու թիվը, ժամանակը), երբ բառը չի շփոթում այլ բառի հետ, երբ նախադասության մեջ բաց չի թողնում առանձին բառեր կամ ավելացնում նորերը, երբ բառերն ավելորդ անգամ չի կրկնում, երբ բառերն արտասանում է գրական հայերենի արտասանության չափանիշներին համապատասխան: [5, էջ116]
- Սահուն կամ վարժ կարդալ ասելով՝ հասկանում եմ առաջադրված նյութի՝ ամբողջական բառերով, առանց ընդհատելու, հնարավոր չափով արագ ու սահուն ընթերցումը, ընդ որում, կարդալու արագությունը պետք է համապատասխանի սովորական խոսակցության արագությանը՝ նպաստելով ընթերցած նյութի բովանդակության, գաղափարի ըմբռնմանը, ենթատեքստի կռահմանը (ինչպես կարդացողի, այնպես էլ ունկնդիրների կողմից): [5, էջ119]
- Հասկանալով կամ գիտակցելով կարդալ նշանակում է կարդացածը հասկանալ , ճշտությամբ վերարտադրել, պահպանել մտքի հաջորդականությունը և տրամաբանական կապը, վերլուծել կարդացածը: Վերլուծելը, թերևս, այն կարևոր և բարդ կարողություններից մեկն է, որը փորձում են ձևավորել տարրական դպրոցում: Հասկանալով կարդալու կարողության մշակումը ընթերցանության գերխնդիրն է: [5, էջ119]
- Կարդալը արտահայտիչ կամ գեղարվեստորեն է համարվում այն ժամանակ, երբ կարդացողը կարողանում է մտովի զգալ և իր ձայնի ելևէջներով, դադարներով վերակենդանացնել այն ապրումներն ու հույզերը, որ հեղինակը դրել է իր տողերի մեջ: Արտահայտիչ կարդալ սովորեցնելու հիմնում պետք է ընկած լինի հայերենի հիմնական կետադրական նշանների ըմբռնումը և կարդալու գիտակցականությունը: [5, 119էջ]
- Արագ կարդալու որակական այս հատկանիշը՝ որպես ժամանակի հետ կապված կենսական պահանջ, նոր է ձևավորել: Արագ կարդալու միջոցով կարճ ժամանակամիջոցում շատ տեղեկություն կարելի է ստանալ : [5, 119էջ]

Հոգեբանների կարծիքով, հասկանալով կարդալու համար, ընթերցողը առաջին հերթին պետք է կարդա արագ: Խոսքը լավ կարդալու մասին է, այսինքն՝ կարդալ խոսելու տեմպին համահունչ: Այդ հանգամանքը նրանք մեկնաբանում են որոշ տեսանկյուններից:

Ուսուցման տեսանկյունից: Եթե աշակերտը կարողանում է արագ կարդալ, իսկ միջին օրակում տնային հանձնարարությունները 5-8 էջ են կամ 6500 բառ, ապա 6500: 60 = 107րոպե: Մոտ 2 ժամ անհրաժեշտ է որպեսզի նյութը կարդա գոնե 1 անգամ: իսկ չէ՞ որ պետք է այն կարդալ 2-3 անգամ և պետք է կատարի այլ տնային հանձնարարություններ:

Զարգացման տեսանկյունից: Արագ կարգում են այն մարդիկ, որոնք շատ են կարդում: Գործընթացում զարգանում է գործնական հիշողությունը և ուշադրության կայունությունը: Այս երկու ցուցիչներից է կախված նաև ընթերցողի մտավոր աշխատունակությունը:

Գաստիարակության տեսանկյունից: Անտարկելի է, որ ընթերցողների դաստիարակությունը պայմանավորված է նրանց պարտավորություններից և զգայունակությունից: Եթե երեխան նախորդ դասարաններում լավ չի սովորել, հաջորդ դասարաններում ցածր է լինում նրա առաջադիմությունը: Աճակերտների համոզմամբ՝ սովորեն, չսովորեն՝ միջակություն կլինի: Ուրեմն՝ գերադասելի է չսովորելը:

Տնտեսական տեսանկյունից : Առաջին հայացքից թվում է, թե այն շատ հեռու է կրթական համակարգից: ԱՄՆ-ի շատ ձեռնարկություններում կառավարական աշխատանքի չեն ընդունում այն անձանց, ովքեր 1րդ պետն չեն կարդում 400 բառ: Համարվում է, որ նա «կիտրտակվի թղթերի մեջ»:

Գաղափարա-ֆաղափական տեսանկյունից: Եթե 6 թերթից բաղկացած թերթում կա մոտ 40000 բառ և կարդացողն էլ կարդում է 80 բառ, այն կարդալու համար անհրաժեշտ է 500 րոպե, մոտ 8 ժամ: Թվում է՝ անգրագիտություն չկա, սակայն կիսագրագիտությունն էլ ոչ մի բանով լավ չէ:

Գլուխ 2.

Կարդալու կարողության զարգացման արդյունավետ մոտեցումները տարրական դպրոցում

Տարրական դպրոցում ընթերցողական կարողությունների ձևավորումն իրականացվում է բացատրական ընթերցանության մեթոդով, որը հայ դպրոցում գործածվել է դեռևս Խ. Աբովյանի կողմից: Հետագայում այն նշանավոր շատ մեթոդիստ-մանկավարժների կողմից մշակվել, կատարելագործվել է՝ դառնալով բնագրերի շուրջ տարվող բազմաժանր և բազմակողմանի աշխատանքների իրականացման մի կուռ համակարգ: Այսօր էլ մայրենի լեզվի ընթերցարաններում տեղ գտած նյութերը սովորողների կողմից ուսումնասիրվում են հիմնականում բացատրական ընթերցանության մեթոդով:

Հետազոտական մաս իմ փորձից

Ես փորձել եմ կրտսեր դպրոցականների մեջ կարդալու կարողության զարգացումն ապահովել նաև մեկ այլ՝ Րիվինի մեթոդիկայի կիրառմամբ [5, էջ 31-47]: Այն նախատեսված է հենց տեխստերի ուսումնասիրման համար և կարող է կիրառվել կարդալու վարպետության տարբեր՝ ասեմբ, օրինակ,

«բառային», «նախադասությունային», «պարբերությունային» մակարդակների դեպքում: Բանն այն է, որ Բիվինի մեթոդիկայի էությունը թեմայի հատվածաբար ուսումնասիրման մեջ է, այսինքն՝ սովորողները տեխսը բաժանում են որոշակի (ոչ մեծ) հատվածների և աշխատում այդ հատվածների վրա: Ընդ որում՝ որպես ուսումնասիրվող հատված կարող են հանդիսանալ պարբերությունը, նախադասությունը կամ բառը: Այս հանգամանքը հնարավորություն է տալիս Բիվինի մեթոդիկան կիրառելու դպրոցի բոլոր դասարաններում՝ սովորողների մեջ կարգալու զարգացման բառային, նախադասությունային, պարբերությունային մակարդակներին համապատասխան: Ներկայացնեն էրրորդ դասարանում Բիվինի մեթոդիկայի կիրառման իմ փորձը: Նախապատրաստական աշխատանքներ կատարելիս՝ առաջին հերթին ընտրում են ընթերցարանում տեղ գտած այն նյութերը, որոնք պետք է սովորողներն ուսումնասիրեն դասարանում: Այնուհետև կազմում են հաշվառման աղյուսակը և փակցնում պատին: Աղյուսակում պետք է կատարվեն նշումներ աշխատանքի ընթացքի վերաբերյալ՝ ուսուցչի կամ աշակերտների կողմից: Եթե նույնիսկ սկզբնական շրջանում նշումները կատարում է ուսուցիչը, ապա նախընտրելի է՝ աստիճանաբար այդ աշխատանքը թողնել աշակերտներին: Հաշվի առնելով կրտսեր դպրոցականների տարիքային առանձնահատկությունները՝ պատրաստում են տարբեր հուշաթերթեր: Հուշաթերթերը նախատեսում են գույգերի համար, յուրաքանչյուր սեղանին դնում են մեկական հուշաթերթիկ: Սովորաբար մեկ-երկու բնագրի ուսումնասիրությունից հետո աշակերտներն աշխատում են առանց հուշաթերթերի: Տեխսերում տեղ գտած նորածանոթ կամ անհասկանալի բառերի բացատրության համար անհրաժեշտ է դասարանում ունենալ բացատրական, համանիշների, հականիշների դպրոցական բառարաններ (յուրաքանչյուրից 2-3 հատ): Հուշաթերթիկում նշված է գույգում աշխատելու կարգը:

1. Թեման ստանալուց հետո աղյուսակում քննարկվան դիմաց նշում կատարիր
2. Տեսրում նշիր թեմայի վերնագիրը:
3. Ձև'յգ ընտրիր սովորողներից և տեսրում նշիր նրա անունը, թեմայի վերնագիրը կամ համարը:
4. Բարձրաձայն կարգա՝ բնագրից առաջին հատվածը:
5. Բնագրից առաջին հատվածը կարգա՝ նախադասություն առ նախադասություն և ֆննարկիր գույգը նկերոջ հետ:
6. Յուրաքանչյուր նախադասության ընթերցումից հետո տեսրում գրիր անհասկանալի կամ նորածանոթ բառերը, գրիր դրանց բացատրությունը:
7. Ամբողջ հատվածը ֆննարկելուց հետո գույգը նկերոջ հետ վերնագրիր այն:
8. Առաջին հատվածի վերնագիրը գրիր տեսրում:
9. Նույն ձևով օգնիր գույգը նկերոջ մշակել իր բնագրի առաջին հատվածը:
10. Շնորհակալություն հայտնիր գույգի և հրաժեշտ տուր նրան:
11. Երկրորդ հատվածի մշակման համար ընտրիր նոր գույգ:
12. Պատմիր նրան քննարկի առաջին հատվածի բովանդակությունը:
13. Նոր գույգի օգնությամբ մշակիր թեմայի երկրորդ հատվածը նույն ձևով:
14. Ուշագիր լսիր նոր գույգը նկերոջ պատմածը իր նյութի վերաբերյալ:
15. Օգնիր նրան մշակել իր թեմայի հաջորդ հատվածը:
16. Շնորհակալություն հայտնիր գույգի և հրաժեշտ տուր նրան:
17. Հաջորդ հատվածի մշակման համար նոր գույգը նկեր գտիր:

Թեմաները բաշխվում են այնպես, որ 2-3 աշակերտ ունենա նույն թեման: Ուսուցչի դերը թեմայի մշակման ժամանակ: Աշխատանքի ողջ ընթացքում կատարում են ոչ միայն կազմակերպողի, կտրոսի նախնայի

դեր, այլև անմիջական մասնակցություն են ունենում սովորողների թեմաների որոշակի հատվածների մշակմանը՝ հերթով գույգ կազմելով նրանց հետ: Միայն այդպես կարող են յուրաքանչյուր աշակերտի սովորեցնել ճիշտ պահպանել պարբերության մշակման ազդրիքը, ստուգել մշակած պարբերությունների յուրացման մակարդակը, ուղղություն տալ գույգում իրականացվող աշխատանքների վերաբերյալ: Ամեն անգամ աշխատանքի վերլուծության (ռեֆլեքսիայի) ժամանակ անդրադառնում են ընդհանուր բնույթի թերություններին, սխալներին, սալիս եւ համապատասխան ցուցումներ՝ դրանցից խուսափելու նպատակով: Շատ կարևոր է նաև իրենց հաջողությունների, ձեռքբերումների համար աշակերտներին խրախուսելը: Բայց դա չպետք է կրի ընդհանրական բնույթ (Ապրե՛ք, լավ աշխատեցի՛ք: Ամեն ինչ շատ լավ է և այլն), այլ կոնկրետ օրինակներով պետք է ցույց տալ, թե ինչն են արդեն կարողանում անել երեխաները (Ձեր վերնագրերն արդեն ավելի կոնկրետ են արտահայտում հատվածների բովանդակությունը): Աշխատում են, որ յուրաքանչյուր թեմայի ուսումնասիրության ժամանակ աշակերտի հետ առնվազն մեկ անգամ գույգ կազմեն: Բայց հնարավոր է, որ դասարանում կլինեն աշակերտներ, որոնց հետ ավելի հաճախակի աշխատելու անհրաժեշտություն կգագսվի: Թեմայի հանձնումը. Սովորողը թեման կարող է հանձնել տարբեր կերպ: Նպատակահարմար է, որ նա էլույթ ունենա փոքր խմբի առջև, որում ընդգրկվել այն աշակերտները, ովքեր ուսումնասիրում են նույն թեման, ովքեր պետք է սկսեն ուսումնասիրել այն, նրանք, ովքեր վաղուց ուսումնասիրել են այն և ուզում են կրկնել, ինչպես նաև՝ ուսուցիչը: Սովորողը թեման կարող է հանձնել նաև միայն ուսուցչին: Տեսրի գրանցման կարգը. Տեսրի էջը բաժանվում է երկու անհավասար մասերի: Կայն հատվածի առաջին տողում գրվում է ստեղծագործության վերնագիրը: Էջի նեղ մասում՝ յուրաքանչյուր պարբերության վերնագրի դիմաց, գրվում է գույգի անունը, նրա թեմայի վերնագիրը կամ համարը: Յուրաքանչյուր թեմա պետք է գրել նոր էջից: Բիլինի մեթոդիկայի առավելությունները - Աշխատելով փոքրիկ հատվածներով՝ սովորողները ավելի լավ են յուրացնում նյութը: Յուրաքանչյուր պարբերություն բննարկելով գույգի հետ, վերլուծելով նրա բովանդակային մանրամասները՝ սովորողը ակտիվ խոսքային գործունեություն է իրականացնում, ինչը նպաստում է նրա խոսքի զարգացմանը (խոսելով են խոսել սովորում): - Թեման մշակելիս՝ սովորողները օգտվում են բառարաններից, այս կամ այն բառի, արտահայտության իմաստը հարցնում իրարից, ձեռք բերելով շատ կարևոր կարողություններ, հմտանալով հաղորդակցության մեջ: Յուրաքանչյուր հատվածի բննարկման արդյունքում սովորողները դուրս են բերում նրա հիմնական, գլխավոր միտքը և ձևակերպում այն վերնագրի տեսքով: Փոփոխական կազմով գույգերում աշխատելիս՝ աշակերտները սովորում են լսել իրար, օգնել, աջակցել միմյանց, համաձայնել, ընդհանուր որոշման գալ և ընդհակառակը՝ վիճել, պաշտպանել սեփական տեսակետը և այլն: Հետաքրքիր է, որ տարբեր մարդկանց հետ աշխատելիս, միևնույն հատվածը սովորողը պատմում է յուրովի՝ ամեն անգամ իր համար բացահայտելով նոր բաներ:

Աճակերտների կարգալու տեխնիկայի զարգացման նպատակով անհրաժեշտ է արտահայտիչ խոսքի կարողություններ մշակել դեռևս գրահանաչության այբբենական շրջանում: Այդ աշխատանքը պետք է սկսել աճակերտներին ծանոթացնելով խոսքի տեխնիկայի բաղադրիչներին՝ շնչառություն, ձայն, հնչերանգ, առոգանություն: Հատուկ շնչառական վարժությունների միջոցով աճակերտներին առաջին հերթին պետք է սովորեցնել ճիշտ շնչել: Կարելի է կատարել առոգանությունը զարգացնող վարժանքներ: Այսպես՝ կարգալ մտնում, արտասանել շուկով, դանդաղ, ցածրաձայն, կամաց, բարձրաձայն և արագ: Նախադասության մասին տարրական գիտելիքների ուսումնասիրման ժամանակ անհրաժեշտ է երեխաների ուշադրությունը հրավիրել հարցական, բացականչական, հրամայական, պատմողական նախադասությունների էլեկտրոնային վրա և սովորեցնել տարբերել դրանց ընթերցման առանձնահատկությունները:

Հայտնի է արտահայտիչ ընթերցանության երկու եղանակ՝ բեմական և դասարանական: Անառարկելի է, որ արտահայտիչ կարգալու նախապայմանը բնագիրը լավ հասկանալն է: Կան նաև մի շարք արտաքին նշաններ, որոնք երեխաները պետք է նախազեղեն ու ըմբռնեն: Դրանք հայերենի կետադրական ու առոգանական նշաններն են: Աճակերտներն աստիճանաբար պետք է գիտելիքներ ձեռք բերեն արտասանական երանգավորման կամ հնչերանգի ու նրա բաղադրիչների մասին: Նրանց գիտակցությունը պետք է հասցվի, որ խոսքի ազդեցիկ ու լսելի դարձնելու համար կարևոր են ձայնի ու նրա էլեկտրոնային փոփոխությունը՝ բարձրացումն ու ցածրացումը, կարգալու տեմպը, ուժը, դադարները, շեշտը, և սովորեցնի այդ ամենը կիրառել կարգալու ընթացքում: Կետադրական նշանների մասին նախագիտելիքներ արվում են դեռևս գրահանաչության նախապատրաստական շրջանում: [2, էջ 28, 52]: Հենց այս փուլում էլ անհրաժեշտ է աճակերտներին բացատրել, թե կետադրական կամ առոգանության որ նշանն ինչպես է կարգալում: Եվ այդ կարողությունն աստիճանաբար զարգացնել մինչև երրորդ դասարանի վերջը: Որպեսզի երեխաները լավ ըմբռնեն և տարբերեն նախադասությունների հնչերանգը, ուսուցիչը կարող է դիմել հետևյալ հնարին:


Օգտագործել նույն բնագիրը և խոսքի ընթացքում պահանջել կրկնել այն հրաման, բացականչություն, հարցում արտահայտող հնչերանգներով : Հետո նույն աշխատանքը կատարել նաև բնագրի վրա: Առաջարկում են կիրառել նաև ՏՀ տեխնոլոգիաներ. 5-7 րոպե ունկնդրել տալ գրական որևէ ստեղծագործություն՝ աճակերտների ուշադրությունը հրավիրելով հարցական, բացականչական, հրամայական, պատմողական նախադասությունների հնչերանգին ու արտասանությանը: Ուսումնասիրությունները ցույց են տվել, որ այդպիսի դաս — վերլուծությունների, գրական ունկնդրումների արդյունքում աստիճանաբար ձևավորվում է երեխաների արտահայտիչ կարգալու հմտությունը, նրանք սովորում են առավել վարժ, սահուն, արտահայտիչ ու հասկանալի կարգալ բնագիրը:

Դերերով և խմբովին կարգալը ևս մեծապես նպաստում է կրտսեր դպրոցականների արտահայտիչ կարգալու կարողության զարգացմանը, քանի որ այդ դեպքում նրանք գիտակցում են հերոսների խոսքը, հնչերանգը, ձայնի փոփոխությունները և ըստ այդմ էլ՝ ընտրում են կարգալու ճիշտ ձևն ու եղանակը:

Այս եղանակով ուսուցիչը պետք է սովորողներին զգացնել տա հեղինակի և հերոսների խոսքի հնչերանգային

տարբերությունները, բացատրի, որ հեղինակի խոսքը կարդում են դանդաղ, հանգիստ տոնով, պատմողական հնչերանգով, իսկ գործող անձերի կամ կերպարների խոսքերը՝ նրանց յուրաքանչյուրին հատուկ ձայնով ու հնչերանգով: Ընթերցանության արտահայտչականության ձևավորման նպատակով օգտագործում են տրամադրության բառարան: Այս, այսպես կոչված բառարանում, առակերտները գրում են ընթերցվող բնագրի «ուրախ», «տխուր», «երջանիկ», «ոգևորված», «մեղմ» բառերը, վերլուծում են նյութը և եզրակացնում, թե հեղինակն ինչ զգացմունքներով ու հույզերով է գրել սվյալ ստեղծագործությունը: Ընթերցելիս՝ արդեն ձգտում են արտահայտել այդ տրամադրությունները:

Կարգալը մտավոր գործունեություն է, որը երեխայից պահանջում է տեսողական, լսողական և տարածական մտածողության զարգացում: Այն սկսվում է նրա կյանքի առաջին գրքի՝ «Այբբենարանի» նկարների «ընթերցումից»: Երեխաները մինչև տասնհինգ դառնալը փորձում են ընկալել և պատմել նկարները՝ պակասակալով դրանց բովանդակային ամբողջականությունն ու տրամաբանական հաջորդականությունը: Գրանահանչության նախայբբենական շրջանում կարևոր է ուսուցչի խոսքի ունկնդրումը: Գրանահանչության այբբենական շրջանն արդեն առանձնանում է գրուսուցման և կարգալու նախնական կարողությունների ձևավորման աշխատանքներով: Կարգալու հմտությունների ձևավորման համար էս, յուրաքանչյուր հնչյուն-տառ անցնելիս, օգտագործում են իմ պատրաստած աբակը: Այն ունի 3 բաժին: Դասի սկզբում, որպես վարժանք, շարժելով աբակի համապատասխան բաժնի տառերը, կարդում ենք՝ սա, սի, սու: Հետո՝ աս, իս, ուս: Այսպես ավելացնում են յուրաքանչյուր սովորած հնչյուն-տառ: Օրինակ՝ բա, բի, բու, բե, բո, բը, աբ, իբ, ուբ, էբ, որբ, ըբ: Ասեն, որ միայն նոր սովորած հնչյուն-տառով չենք կազմում երկհնչյուններ, այլ կրկնում ենք նաև անցած տառերը: Այս վարժանքը օգնում է վանկը հեշտությամբ կարդալուն:



Հետայբբենական շրջանում ամրակայվում և զարգացվում են այբբենական շրջանում երեխաների ձեռք բերած կարգալու կարողությունները, որոնք հիմք են դառնում կարգալու որակական հատկանիշների ձևավորման համար: Ուսումնառության չորս տարվա ընթացքում աստիճանաբար զարգանում ու կատարելագործվում են կարգալու կարողությունները: Կանոնավոր կերպով կատարելով ներկայացված վարժանքները, խղերը՝ վերջնարդյունքում կարող ենք զգալիորեն բարելավել ընթերցանության արագության ցուցանիշները, հասնել ընթերցանության առողջանության, արտահայտչականության, իմաստի ընկալման բարձր արդյունքների: Ստորև ներկայացնում ենք ընթերցանության տեխնիկայի ձևավորման և մոտիվացման ևս մի փանի տեխնիկաներ, վարժանքներ:

1. Բարձրաձայն կարդալ

❖ Ընթերցանության արտահայտչականությունը զարգացնող աշխատանքի կազմակերպման ձևեր

Բարձրաձայն, արտահայտիչ կարդալը լուծում է հետևյալ խնդիրները՝
 հիշողության ամրապնդում,
 բառապաշարի հարստացում, երևակայության խթանում,
 հատակ ստեղծման, արտահայտիչ հնչերանգի ձևավորում,
 երկխոսի ստեղծագործական ունակությունների զարգացում,
 աշխարհայացքի բնոյացում,
 գեղագիտական դաստիարակություն, գեղեցիկի ընկալում:

Ընթերցանության արտահայտչականությունը զարգացնող հնար.
 Կարդալ միևնույն նախադասությունը
 հանգիստ չարությամբ
 ուրախ հիացմունքով
 բարձր շշուկով
 տխուր
 այլալված
 վախեցած

Հուշաթերթիկ

- 1. Խնդրի՝ ր ընկերոջը բարձրաձայն (բայց՝ գրադարանային ձայնով) ընթերցել դասանյութի մի հատվածը
- 2. Հետևի՝ ր, թե ինչպես է ընկերդ ընթերցում:
 - Մահուն է ընթերցում:
 - Առոգանությամբ է ընթերցում:
 - Ընթերցում է ոչ սահուն:
 - Ընթերցելիս բառեր է բաց թողնում:
- 3. Քաջալերի՝ ր ընկերոջը :

	Հիշո	Մահուն	Հասկանալով /Ընկալում/	Արտահայտիչ /առոգանություն/	Արագ
Սովորող 1	+		+		
Սովորող 2	+	+		+	+
Սովորող 3	+		+	+	
Սովորող 4		+			

2. Մտնում կարդալ

3. Խմբով կարդալ

4. Սուր աչք: Ուղղանկյան պատկերի մեջ խառը հերթականությամբ գրել 1-30 թվերը կամ այբբենական շրջանում տառերը:

❖	Սուր աչք					
	7	15	24	11	19	3
	10	21	2	5	22	27
	13	20	14	29	16	
	25	18	23	4	30	8
		1	24	6	28	9
	12	26	17	19		

❖	Սուր աչք					
	Ա	Ֆ	դ	ս	Ու	գ
	ի	տ	Մ	չ	Շ	ո
	Ջ	ձ	փ	մ	ն	և
	բ	է	ժ	լ	ու	
	ա	խ	Հ	Ծ	ր	ք
	Յ	պ	Օ	զ	թ	կ

Առակերտը ուժադիր նայում է պատկերին , ապա ուսուցիչը նրա հետ սկսում է հաշվել 1-ից մինչև 30՝ միջին տեմպով:

Հանձնարարություն: 1 հաշվարկին գտիր և ցույց տուր 1 թիվը, 2 հաշվին՝ 2-ը ... և այդպես շարունակ: Ո՞րն է այս վարժանքի իմաստը. այն ընդլայնում է տեսողական դատարար: Նույնը արվում է խառը գրված տառերով:

5.Շերլուկ Հոլմս: Թղթի վրա խառը հերթականությամբ գրել տարբեր բառեր, ապա առակերտին խնդրել որևէ բառ գտնել այդտեղից: Երեխան յուրաքանչյուր բառն ավելի արագ կկարողանա գտնել, քան նախորդը, քանի որ բառը փնտրելիս նա կարդում է մյուս բոլոր բառերը, մտապահում է , թե որը որից հետո է գրված:

❖ Շերլուկ Հոլմս

Արջ, որջ, անդադրում քոթոթ, լայնարձակ, պատվիրան, թիթեռներ, հրճվանքից, սրտապատառ, շնչակտուր, փչակ, մեղուներ, ժամապահներ, սպանալի բզզոց, թռչում գալիս էին, բեռից ազատվելով, հափշտակված, հետաքրքրասեր, անկարող եղավ, մածուցիկ, դուրս քաշեց, հաճույք վայելել, ամպ կապած, մոլեգնած, խուճապահար, արցունքն աչքերին, խայթել:

Ո՞րն է այս վարժանքի իմաստը. ընդլայնվում է առակերտի տեսադաշտը, ահում է կարդալու արագությունը:

6.Մոլորված տառեր: Տառերն ու բառերը երբեմն կորչում են, բայց նույնիսկ առանց մի քանի տառի կամ բառի

❖ Մոլորված տառեր

լայնար	անտառ
մեղ	փեթակ
սառնո	ջուր
չարած	քոթոթ
սրտապա . . .	վազել
քաղ	նեկտար

հնարավոր է կարդալ:

7.Լուսանկարող աչք: Գրատախտակին սյունակով գրված են բառեր, որոնք առակերտները մի որոշ ժամանակ կարդում են , ապա ուսուցիչը փակում է սյունակը, իսկ առակերտները հիշողությամբ ասում են՝ ինչ բառեր են գրված:

<p>Լուսանկարող աչք</p> <div style="border: 1px solid black; background-color: #e0f0ff; padding: 10px; margin: 5px auto; width: 80%;"> <p>գարուն աղջիկ գույնգույն ծաղկել օդաչու ոսկեգօծ</p> </div>	<p>Լուսանկարող աչք</p> <div style="border: 1px solid black; background-color: #e0f0ff; height: 80px; margin: 5px auto; width: 80%;"></div>
--	---

8.Դինամիկ ընթերցում: Գրատախտակի կամ քարտի վրա գրված է 5-7 բառից բաղկացած սյունակ, գրված բառերի քանակը հերթով ավելանում է՝ բառերի մեջ եղած տառերի աստիճանական աճով:

9.Հերթ: Յուրաքանչյուր առակերտ կարդում են մինչև առաջին սխալը:

10 .Քարեակ. ա/ ուսուցիչը բարձրաձայն կարդում է ' փոխելով ընթերցման արագությունը: Առակերտները նույնպես կարդում են բարձրաձայն՝ փորձելով հետ չմնալ ուսուցչից: բ/ ուսուցիչը բարձրաձայն կարդում է,

երեխաները կարդում են մտնում: Ուսուցիչը դադարում է կարդալ, առակերտները ցույց են տալիս այն բառը, որտեղ կանգ է առել ուսուցիչը:

11.Թակարդ: Ուսուցիչը կամ վարժ կարդացող առակերտը կարդում է մի տեքստ, որից հետո բաժանում է առակերտներին նույն տեքստը, որտեղ որոշ բառեր փոխված են համանիշներով:Առակերտները պետք է գտնեն այդ բառերը:[9, էջ30]

ՔՈԹՈԹՆ ՈՒ ՄԵՂՈՒՆԵՐԸ	ՔՈԹՈԹՆ ՈՒ ՄԵՂՈՒՆԵՐԸ
Մայր արջը հեռացավ որջից: Նրա բոթոթը շնչակտուր իրեն անտառ գցեց: -Ի՛նչ լայնարձակ է պստեղ, ի՛նչ անուշ բույրով էլցված օդը: Արջուկն սկսեց վազվզել թիթեռների հետևից: Մեկ էլ հանդիպեց մի մեծ փչակի: Այժ անեց փչակի ներսը, տեսավ, որ մեղուներին թիվ ու հաշիվ չկա: Որոշ մեղուներ սպասնայից բզոզում պտտվում էին փերակի շուրջը: Ուրիշները թռչում գալիս էին նեկտարով: Քոթոթն անկարող եղավ խուլս տալ գայթակրությունից: Նա դունչը ներս խոթեց ու հոտտեց, թաթը մտցրեց ու զգաց, որ ներսում ինչ-որ տաք բան կա: Երբ նա դուրս բաշեց թաթը, այն մեղրոտ էր: Չհասցրեց մինչև վերջ լիզել բաղցր թաթը: Մեղուների պարսը վրա պրծավ և սկսեց խայթել: Արջուկը տուն փախավ: Արջուկն այժերին հասավ մոր մոտ: Մայր արջը, նախատեց նրան, ապա խայթած տեղերը լվաց աղբյուրի ջրով: Իրոք, բաղցր վայելքին դառը հաստուցում էլ կա:	Մայր արջը հեռացավ որջից: Նրա բոթոթը շնչակտուր իրեն անտառ գցեց: -Ի՛նչ ընդարձակ է պստեղ, ի՛նչ անուշ հոտով էլցված օդը: Արջուկն սկսեց վազվզել թիթեռների հետևից: Մեկ էլ հանդիպեց մի մեծ փչակի: Նայեց փչակի ներսը, տեսավ, որ մեղուներին թիվ ու հաշիվ չկա: Որոշ մեղուներ ահաբեկող բզոզում պտտվում էին փերակի շուրջը: Ուրիշները թռչում գալիս էին նեկտարով: Քոթոթն անկարող եղավ խուսափել հրապուրանքից: Նա դունչը ներս մտցրեց ու հոտտեց, թաթը մտցրեց ու զգաց, որ ներսում ինչ-որ տաք բան կա: Երբ նա դուրս բաշեց թաթը, այն մեղրոտ էր: Չհասցրեց մինչև վերջ լիզել բաղցր թաթը: Մեղուների պարսը հարձակվեց և սկսեց խայթել: Արջուկը տուն փախավ: Արջուկն այժերին հասավ մոր մոտ: Մայր արջը, հանդիմանեց նրան, ապա խայթած տեղերը լվաց աղբյուրի ջրով: Իրոք, բաղցր վայելքին դառը վճարում էլ կա:

12.Թռիչք: Առակերտները կարդում են բառը մեկ՝ մի բառ կարդալուց հետո բաց են թողնում կողմի բառը, կարդում են հաջորդը:

13.Գլուխ և պոչ: Ուսուցիչը սկսում է կարդալ նախադասությունը, երեխաները արագ գտնում են այն և շարունակում են միասին կարդալ:

14.Առաջինն ու վերջինը: Առակերտներն ընթերցում են բառի առաջին և վերջին տառերը, տողի առաջին և վերջին բառերը, նախադասության առաջին և վերջին բառերը:

15.Պահանջ: Տեքստում գտնել որոշակի ճանով բառեր / օրինակ՝ բառը սկսվում է Ա տառով, բաղկացած է երկու վանկից, գտնել գաղտնավանկի ը պարունակող բառերը կամ գտնել հնչյունների և տառերի անհավասարություն ունեցող բառերը և այլն/:

ԵՐԿՎՈՐՅԱԿՆԵՐԸ

Էմման ու Երազիկը երկվորյակներ են: Նրանք այբան նման են, որ երբ միասին նայում են հայելու մեջ, իրենք էլ են իրենց շփոթում: Հարևանները երբեք չեն կարողանում նրանց տարբերել, միայն մայրիկը նրանց չի շփոթում, թեև միատեսակ է հագցնում:

ԳԱՐՈՒՆ

Անձրևը դադարեց: Անպերի միջից երևաց հրաբուրբ արփին: Մարդիկ շտապեցին արևի տակ չորացնել թրջված հագուստները: Օտարիկները բարձրացրին խանարիած գլիխակները: Թռչունները ուրախ ծլվլացին և սկսեցին ճախրել բաց երկնքում: Կենդանիները դուրս եկան բներից:

16. Շրջանաձև ընթերցում: Առակերտներն իրար հետևից մի քանի անգամ կարդում են փոփր տեֆստը՝ բառ առ բառ:

17. Ով ավելի արագ: Գրատախտակին գրված է մի նախադասություն, իսկ սեղանին ցրված տեֆստեր են գրված: Ուսուցչի հրահանգով առակերտները տեֆստերի մեջ փնտրում են այդ նախադասությունը: [9, էջ43]

18. Մեկ անգամ էլ: Առակերտը կարդում է տեֆստը 1 րոպե տևողությամբ: Ուշադրություն ենք դարձնում դեռևս միայն արագությանը, նշում՝ որտեղ է հասել: Ապա մի փոփր հանգստից հետո, նորից է 1 րոպե տևողությամբ կարդում նույն տեֆստը, նշում՝ որտեղ է հասել: Երրորդ անգամ արդյունքն ավելի լավ կլինի: Անպայման դիտարկումներ է անում՝ մոտիվացվելով, տեսնելով իր առաջընթացը 3 րոպեում:

Այսպիսով՝ ուսումնասիրելով տարրական դասարաններում կարդալու տեխնիկայի զարգացմանը նպաստող արդյունավետ մոտեցումները, կատարեցինք հետևյալ եզրահանգումները.

1. Աշակերտը միայն այն ժամանակ է կարողանում ապացուցել, որ իր կարդացածը հասկանում է, երբ իր արտահայտած խոսքը համապատասխանում է ընթերցածի բովանդակությանը:
2. Հասկանալով և գիտակցաբար կարդալու կարողության ձևավորմանը օգնում է հատկապես բնագրերի շուրջ նյութի ընթերցումից հետո իրականացվող հարցազրույցը:
3. Ընթերցողական կարողությունների զարգացմանը նպաստում են բնագրերի շուրջ տարվող տարբեր վարժանքներն ու խոսքերը:
4. Պետք է հասնել այն բանին, որ կարդալու մեխանիզմը դառնա միանգամայն ավտոմատ և չճշդի մտքերը: Պետք է ուշագիտել լինել նաև գիրքը ընտրելու հարցում: Ընթերցանության նյութը պետք է մատչելի լինի, որպեսզի նոր բեռ չավելանա դասերի վրա: Այն պետք է կազմված լինի այնպես, որ ընթերցանության միջոցով հասու լինի գեղեցիկին, ընդարձակի մտահորիզոնը, գեղագիտական հաշակ ու ազնիվ զգացումներ զարգացնի նրանց մեջ: Մատչելի լինելով հանդերձ՝ պետք է լուրջ լինի, որպեսզի երեխան զգա, որ նրանից են սկիզբ առնում իր մտավոր ուժերը:
5. Ընթերցանության հմտություններն անմիջականորեն ազդում են սովորողների ուսումնառության արդյունավետության և մոտիվացիայի վրա: Այս առումով առաջնային անհրաժեշտություն է դառնում հանրակրթության բոլոր աստիճաններում սովորողների ընթերցանության խրախուսումը:
6. Ընթերցումը անփոխարինելի միակ հմտությունն է, որն ուղղակիորեն ազդում է մտածողության զարգացման վրա: Այն վերլուծական կարողությունները զարգացնելու միջոց է, մարդու անմիջական զարգացման նախապայման , որը պիտի զարգացնել սկսած տարրական դպրոցից:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Հանրակրթության պետական չափորոշիչ և ծրագիր
2. Այբբենարան, 1-4 դասարանների մայրենիի դասագրքեր
3. Ղարիբյան Ա. Հայոց լեզվի դասավանդման մեթոդիկա, Երևան, 1954
4. Աղայան Ղ. Երկեր, հատոր 4, Եր. 1950:
5. Գյուլամիրյան Զ., Հայոց լեզվի տարրական ուսուցման մեթոդիկա, Եր., «Զանգակ», 2006:

6. Հայ մանկավարժներ, XIX դար, գիրք I, «Հայպետոսմանկիրատ», Եր. 1958:
7. Հայ մանկավարժներ XIX-XX դար, գիրք II, «Հայպետոսմանկիրատ», Եր. 1961:
8. Տեր-Գրիգորյան Ա. Հայոց լեզվի մեթոդիկա «Լույս», Եր. 1986:
9. Խաչատրյան Ս. Ուսուցման արդյունավետ հնարներ, Եր. 2020